



XUNTA DE GALICIA
PRESIDENCIA
Secretaría Xeral para o Deporte
Comité Galego de Xustiza Deportiva

Estadio Multiusos de San Lázaro, nº 4
15781 SANTIAGO DE COMPOSTELA
Tfno: 981 957 509 - Fax: 981 542 638
E-mail: secretaria.deporte@xunta.es

galicia

Data 17/10/2014

Asunto	Destinatario
ENVÍO RESOLUCIÓN EXPTE 44/2014	Pdte. Federación Galega de Xadrez R/ Fotógrafo Luís Kasado17, local 13 36209 Vigo (Pontevedra)

Como Secretaria do Comité Galego de Xustiza Deportiva, remítolle RESOLUCIÓN dictada por este Comité.

XUNTA DE GALICIA
Comité Galego de Xustiza Deportiva
REXISTRO XERAL
SAÍDA 400
ENTRADA
DATA 17.10.2014

FEDERACIÓN
GALEGA DE XADREZ
REXISTRO XERAL
ENTRADA n.º 28,
SAÍDA n.º
DATA: 27/10/2014

REXISTRO XERAL DA XUNTA DE GALICIA
REXISTRO DA SECRETARÍA XERAL PARA O DEPORTE
SANTIAGO DE COMPOSTELA

SAÍDA 1262 / RX 973759

Data 22/10/2014 10:48:19



DE ASIS A COMPO
SANTIAGO
800
2014/10/17
1214 . 2014



XUNTA DE GALICIA

PRESIDENCIA

Secretaría Xeral para o Deporte
Comité Galego de Xustiza Deportiva

Estadio Multiusos de San Lázaro, nº 4
15781 SANTIAGO DE COMPOSTELA
Tfno: 981 957 509 - Fax: 981 542 638
E-mail: secretaria.deporte@xunta.es

galicia

En Santiago de Compostela, a 17 de Outubro de 2014, reunido o Comité Galego de Xustiza Deportiva en sesión plenaria celebrada o día da data, resolveu o recurso **RN 44/2014**, seguido fronte a **Federación Galega de Xadrez** (en adiante “**FEGAXA**”)

ANTECEDENTES DE FEITO

PRIMEIRO.- Con data 18 de Xullo de 2014 tivo entrada no Rexistro do Comité Galego de Xustiza Deportiva un escrito presentado por **D. Daniel Rivera Kuzawka** e por **D. Pablo García Castro**, --na súa condición respectivamente de **Presidente da “Escola Xadrez de Pontevedra”** e de **Director do “II Torneo Internacional Cidade de Pontevedra”**, organizado pola “Escola Xadrez de Pontevedra”--, polo que interpoñen Recurso fronte a decisión adoptada pola **FEGAXA** de excluír a proba “II Aberto Internacional Cidade de Pontevedra” do “XXVII Circuito Galego de Xadrez” e denuncian ademais que a devandita Federación non da resposta oficial ás súas peticións nin responde os correos electrónicos e chamadas realizadas pola “Escola Xadrez de Pontevedra”. No mesmo escrito, solicítase que se inicie o correspondente Expediente Disciplinario contra as persoas responsables, si o Comité o considera que os feitos puideran ser constitutivos dalgunha infracción tipificada na Lei 3/2012 do Deporte de Galicia.

SEGUNDO.- Por providencia de data 21 de xullo de 2014 acordouse abrir un período de información previa co gallo de coñecer as circunstancias do caso concreto e a conveniencia ou non de iniciar un procedemento disciplinario polo que se deu traslado á FEGAXA, para que, nun prazo de dez días hábiles dende a recepción da citada providencia, remitira informe en relación cos feitos que se expoñían no escrito presentado polo señores Rivera e García.

TERCEIRO.- Con data 3 de setembro de 2014 tivo entrada no rexistro do Comité Galego de Xustiza Deportiva informe da FEGAXA, asinado polo seu presidente, ao que se acompaña documentación relacionada co asunto. O mesmo día, tivo entrada un escrito de aclaración e corrección de errores. O Comité acordou unir dito Informe e Aclaración do mesmo ao presente expediente.

CUARTO.- Mediante providencia de 8 de setembro de 2014 o recurso foi admitido a trámite co número de expediente 44/2014 e ao mesmo tempo declarábase concluso poñéndose de manifesto aos interesados para a súa vista no prazo de dez días para que poidesen presentar alegacións. Transcorrido o prazo conferido ao efecto non consta que se presentasen alegacións por ningunha das partes.

Foi relatora Dña. M^a Dolores Rodríguez Rodríguez.

DE ASÍS A COMPOSTELA
800
2014-2015
12/14 - 2014



FUNDAMENTOS DE DEREITO

PRIMEIRO.- Competencia do Comité Galego de Xustiza Deportiva

De conformidade co disposto no artigo 56.2.d) da Lei 3/2012 do Deporte de Galicia, “As federacións deportivas galegas exercerán como funcións propias as seguintes: d) De ser o caso, e conforme a normativa que sexa aplicable, colaborar e/ou organizar as competicións oficiais e actividades deportivas de carácter estatal ou internacional que se realicen no territorio da Comunidade Autónoma de Galicia.”

Agora ben, ao mesmo tempo, o número 4, apartados b) e o d), do mesmo artigo 56 da Lei 3/2012 din que: “4. Son funcións públicas delegadas, e se exercerán en réxime de exclusividade polas federacións deportivas galegas, as seguintes: b) Representar Organizar as competicións oficiais autonómicas federadas d) Asignar as subvencións e as axudas de carácter público concedidas a través da Federación e controlar que os seus asociados lles dean unha correcta aplicación”

Pola súa banda, o apartado 3 do mentado precepto recolle que: “Os actos adoptados polas federacións deportivas galegas no exercicio das funcións públicas de carácter administrativo son susceptibles de recurso administrativo ante o Comité Galego de Xustiza Deportiva.”

Si consideramos a inclusión ou non dun torneo no “Circuíto Galego” como unha función propia (*Colaborar e/ou organizar competicións oficiais*), entendendo como tal que non se trata do exercicio dunha función pública delegada, este Comité non sería competente para coñecer sobre o fondo do asunto da cuestión prantexada. Agora ben, si atendemos ao recollido no artigo 56.4.b) e d) e facemos una interpretación ampla do mesmo, pode ter encaixe o presente expediente dentro dos actos adoptados por una federación no exercicio das funcións públicas xa que se trata, en réxime de exclusividade, de unha cuestión que ten que ver coa *organización de competicións oficiais autonómicas federadas de esa modalidade deportiva e está en xogo a asignación de subvencións e axudas de carácter público*. E, polo tanto, susceptible de recurso administrativo ante este Comité.

Toda vez que dita cuestión competencial non foi prantexada pola FEGAXA deixamos a anterior reflexión coma una especie de *obiter dicta* de cara a futuras resolucións que se podan prantexar perante este Comité e decidimos coñecer neste caso da denuncia presentada polo Sr. Rivera Kuzawka e polo Sr. García Castro por entender que ten transcendencia dende unha perspectiva xurídico - deportiva.

SEGUNDO.- Motivos da denuncia da “Escola Xadrez de Pontevedra”

O club denunciante mantén que, --a pesares de ser o “Torneo Internacional Cidade de Pontevedra” unha das probas de máis calidade en España-- a FEGAXA decidiu excluílo





do Circuíto Galego de Xadrez e, en consecuencia, suprimiualles as axudas para arbitraxe e cotas federativas. Por ese motivo presentaron o 9 de Xuño de 2014 unha reclamación ante a FEGAXA solicitando a rectificación da exclusión pois consideraban que supuña unha discriminación a un dos clubs galegos de xadrez e o mesmo 9 de Xuño presentaron outro escrito comunicando a intención de transmitir igualmente o evento a pesares da negativa da Federación ao préstamo duns taboleiros dixitais xa que gracias a un convenio coa Universidade de Vigo conseguiran os taboleiros. Tamén solicitaban nese outro escrito o número de licencia necesario para a retransmisión.

Quéixanse finalmente de que, a mediados de Xulio dese año 2014, no momento previo a acudir perante este Comité Galego de Xustiza Deportiva, a Federación non da resposta oficial ás súas peticións nin responde os correos electrónicos e chamadas realizadas pola “Escola Xadrez de Pontevedra”

TERCEIRO.- Postura da Federación Galega de Xadrez

No informe remitido pola FEGAXA, dentro do período de dilixencias informativas, explícase o seguinte:

- No “Circuíto Galego de Xadrez” emprégase unha parte do presupuesto federativo que se utiliza para premios e para asumir determinados gastos de competición (arbitraxe e canons federativos). Para organizar ese Calendario oficial necesítanse unha cantidade mínima de torneos, unhas condicións mínimas a cumplir por cada torneo e que se acomoden en datas. Para elo se constitúe tódolos anos un “Comité de Organizadores” do circuíto onde a FEGAXA leva as súas propostas, condicións mínimas e presupuesto aprobado para que democraticamente polos membros se planifique o calendario. As decisións adoptadas nesa reunión son as que leva a práctica a FEGAXA, sendo este o procedemento que séguese durante moitos anos, podéndose comprobar na páxina web da Federación os desenrollos dos circuítos dende o ano 2009 ata o actual, observando os calendarios dos mesmos onde non existe ningunha coincidencia de datas e/ou horarios entre torneos.
- O procedemento seguido na presente edición de 2014 foi idéntico ao das edicións anteriores, convocando a primeiros de Abril aos organizadores de torneos con posibilidades de formar parte do circuíto galego (organizadores de anos anteriores e aqueles que mostraron interese en organizar algún evento nesas datas e desas características no presente ano). A Federación explica moi pormenorizadamente no seu Informe o sucedido na reunión celebrada o 12 de Abril de 2014 nos salóns do Hotel “Scala” de Padrón coincidindo coa celebración dos Campionatos Galegos de Xadrez (como en anos anteriores) cuxo resumo é que non puideron pórse de acordo os organizadores dos torneos do “Albariño” (1-9 de Agosto, mesmas datas que o ano anterior) e o de Pontevedra (7-13 de Agosto, modificando as do ano anterior que foron 9-15 de Agosto). Subliña a federación que noutras



XUNTA DE GALICIA

PRESIDENCIA

Secretaría Xeral para o Deporte

Comité Galego de Xustiza Deportiva

Estadio Multiusos de San Lázaro, nº 4
15781 SANTIAGO DE COMPOSTELA
Tfn: 981 957 509 - Fax: 981 542 638
E-mail: secretaria.deporte@xunta.es

galicia

anos si acadaron acordo pero este ano os de Pontevedra negáronse pois alegaron ter publicadas as bases e non poder cambialas. Democraticamente (e a forma da toma desta decisión está moi ben explicada no Informe da federación) tomouse a decisión de non incluír ao torneo de Pontevedra.

O día 9 de Xuño, mais de 50 días despois da reunión e fixación de calendario e faltando só 12 días para o inicio do primeiro torneo do mesmo, a Escola de Xadrez de Pontevedra reclamou fronte a súa exclusión do circuíto ante a FEGAXA. Dado que era unha decisión tomada na reunión do “Comité de Organizadores”, entendeu o órgano de goberno da Federación que non pode nin debe revocar unha decisión tomada nesa reunión, da que o representante da Escola de Pontevedra tomaba parte. Polo tanto, debido a tardía data de reclamación e tamén polo fondo do asunto decidiron manter o calendario.

Por último, e respecto ao préstamo dos taboleiros dixitais, no Informe explicase de forma clara e convincente que o material propiedade da FEGAXA non está sempre á disposición dos clubs pois hai necesidade de mantelo en boas condicións para os campionatos autonómicos oficiais e, co problema dos recortes, teñen problemas para renovar o material deteriorado. Nembargantes, non lles consta a solicitude dos taboleiros pois leva anos o club de Pontevedra retransmitindo os seus eventos sen contar con eles nin solicitalos xa que teñen outros taboleiros. E tampouco hai problema coa clave pois dispoñen dela nin problema algúun existe coas comunicacións coa FEGAXA pois a Señora Secretaria da Federación responde e resolve, dentro das súas competencias, tódalas consultas realizadas tanto por vía telefónica como por fax ou email

En resumo, tal e como acreditan documentalmente, a Federación organizou o circuíto como tódolos anos e ocorrido foi unha decisión democrática tomada pola mayoría dos clubs interesados consistente en darlle a razón ao club que non cambiou as datas respecto as do ano anterior.

O certo é que a FEGAXA non tiña ningunha obriga de modificar o acordo adoptado na reunión dos clubs convocada ao efecto polo que non se aprecia ilegalidade algúun no seu proceder neste caso, sendo claramente extemporáneos os escritos tendentes a que se revoque o acordo.

Respecto á queixa exposta polo club recorrente de que desde a FEGAXA, en relación con este asunto, non lles responden os correos electrónicos, nin as chamadas, temos que dicir que nos está acreditado que sexa certo pero de ser certo -por desafortunado que ese proceder da Federación poda parecer-, non merece reproche disciplinario algúun.

CUARTO.- Atendidos os feitos e circunstancias postas de manifesto no presente expediente, as explicacións dadas pola FEGAXA, e sendo absolutamente lóxico que non





XUNTA DE GALICIA

PRESIDENCIA

Secretaría Xeral para o Deporte

Comité Galego de Xustiza Deportiva

Estadio Multiusos de San Lázaro, nº 4
15781 SANTIAGO DE COMPOSTELA
Tfno: 981 957 509 - Fax: 981 542 638
E-mail: secretaria.deporte@xunta.es

galicia

deban coincidir en datas dúas probas oficiais do calendario, este Comité considera procedente o arquivo da denuncia presentada polo Señores Rivera Kuzawka e García Castro, sen proceder á adopción de ningunha das medidas que pediron os mesmos.

Vistos os preceptos legais citados e demais de xeral e pertinente aplicación,

O Comité **RESOLVE**: acordar o arquivo, sen mais trámite, da denuncia presentada polos Srs. Daniel Rivera Kuzawka e Pablo García Castro contra a decisión da FEGAXA.

Contra esta resolución poderase interpoñer Recurso Contencioso Administrativo ante o Xulgado do contencioso administrativo competente no prazo de dous meses contados a partir do día seguinte ao da notificación desta (artigos 116 e 117 da Lei 4/1999, do 6 de xaneiro, de modificación da Lei 30/1992, do 26 de novembro, de Réxime Xurídico das Administracións Públicas e do Procedemento Administrativo Común e artigo 94 da Lei 3/2012, do 2 de abril, do Deporte de Galicia.).

Dª Rebeca Arijón Gontad, Secretaria do Comité Galego de Xustiza Deportiva:

CERTIFICA:

Que no Pleno do devandito Comité en sesión celebrada o día 17 de Outubro de 2014 na cidade de Santiago de Compostela, se acordou a referida resolución, o que lle notifíco a Vde. na súa condición de parte interesada para o seu debido cumprimento.

En Santiago de Compostela, a 17 de outubro de 2014.

